



Til bæjarráðs

Kópavogi, 29. júní 2023

22114511/210.01 JVK

Viðaukatillaga 1:

"Kópavogsbær láti í té aðstöðu inni og úti fyrir ung börn í hverfum þar sem húsnæði er að finna og því verður við komið t.d. á leikvöllum og bókasöfnum. Foreldrum og dagforeldrum verði tryggður aðgangur að leikaðstöðu og húsnæði þar sem hægt er að hafa afdrep og sinna tilfallandi þörfum barna, t.d. skiptiaðstaða, hitunaraðstaða og aðstaða til að borða nesti. Aðgangur verði gjaldfrjáls og á ábyrgð notenda sem fá úthlutað talnakóðum þannig að ljóst sé hverjir nýta aðstöðuna hverju sinni.

Rökstuðningur

Vandi foreldra ungra barna blasir við og leita þarf leiða til að leysa hann hér og nú. Árangur af tillögum starfshóps um skipulag leikskólastarfs í Kópavogi kemur þá fyrst í ljós þegar reynsla fæst af því hvort notendur þjónustunnar geri þær breytingar, sem þeim er ætlað að stuðla að. Þessari tillögu er ætlað að tryggja afdrep þar sem aðstandendur ungra barna geta á eigin ábyrgð haft skjól og nauðsynlegustu aðstöðu til að sinna börnunum, gefa þeim færi á að leika sér með öðrum börnum og eiga samskipti við aðra fullorðna í svipaðri stöðu.

Viðaukatillaga 2:

"Til þess að mæta þeim bráðavanda sem við stöndum frammi fyrir í dagvistun ungra barna er lagt til að ráðist verði í aðgerðir til þess að styrkja dagforeldrakerfið og fjölga starfandi dagforeldrum í Kópavogi. Til dæmis með því að koma fyrir lausum kennslustofum við leikvelli. Þetta verði útfært í góðu samráði við dagforeldra í Kópavogi."

Rökstuðningur:

Vandi foreldra ungra barna blasir við og leita þarf leiða til að leysa hann hér og nú. Árangur af tillögum starfshóps um skipulag leikskólastarfs í Kópavogi kemur þá fyrst í ljós þegar reynsla fæst af því hvort notendur þjónustunnar geri þær breytingar, sem þeim er ætlað að stuðla að. Þessari tillögu er ætlað að mæta þörfum foreldra ungra barna fyrir dagvistun eftir að fæðingarorlofi lýkur og áður en leikskólapláss býðst með því að fjölga dagforeldrum, bæta starfsumhverfi þeirra og kjör.



Kópavogsbær

Digranesvegur 1
200 Kópavogur
Sími 441 0000
kopavogur.is

Skjal sótt af '00000000000' dags: 20.08 2026